

HOLLANDIA.

324

*Imperium majo-
rum.*

Majorum virtus.

Urbes.

Verum anno Christi 1000CLXII a Carolo Calvo Francorum Rege in Comitatum redacta est, eique præ-
fectus est *Theodorus* è Regio stemmate ortus. Patri *Theodoro* successit *Theodorus* filius, huic *Arnoldus*, *Ar-*
noldo Theodoricus, atque huic alii ex ordine, quorum seriem apud Munsterum & alios habes. Bellica olim gloria
clari admodum fuerunt. Hoc enim præsidio cum fide conjunctio in fraternitatem Imperii Romani accepti sunt
Batavi. Hac Duce benevolentiam sibi apud Principes constabiliunt, & stabilem sui fiduciam plerisque
illorum Tyrannis impreserunt. Per hanc vulgo formidabiles, invictæ virtutis opinionem acquisiverunt. Per
hanc denique vera laudis imagine conspicui esse ambierunt. Urbium nunc nobis est proponenda descri-
ptio: sunt autem *Durdrechtum*, *Harlemum*, *Delphi*, *Lugdunum*, *Amstelodamum*, *Gouda*, *Naerdenum*, *Muda*,
Wesopum, *Edamum*, *Monachodamum*, *Purmerenda*, *Almeria*, *Enckhuysa*, *Horna* &c. *Durdrechtum* Urbs totius Hol-
landiæ primaria est. Facies ejus oblonga exit ad modum triremis: ipsa opulenta & copiosa, imo eorum o-
mnium quæ in annonæ rei que alimentariæ usum venire atque expediri possunt, locuples quoddam penu est.
Ius habet sistendi & retrahendi ad se Merces exoticas, quæcumque secundo amne importantur, ut nimirum
eo loco stabulentur, ac conquiescant, donec venditæ sint: & inde rursus non aliis quam popularibus navi-
giis alio devehantur. Hoc privilegium a *Strabulo* vocant *Stapulam*. *Harlemum* amplitudine urbis, ædificiorum
cultu, situs amenitate nobile est. Templum habet totius Hollandiæ pulcherrimum firmissimis innixum co-
lumnis, foro imminens. Urbem *Sparnus* interlabitur. Exstructa creditur a Frisiis, circiter annum 10 vi. Huic
urbi inventæ typographicæ artis gloria debetur. Est & altera hujus urbis gloria, capti novo consilio *Pelusi*,
quam *Damiatam* vocant, cujus rei symbolum habet nolas binas ex ære Corinthio quæ a re *Damiata* ap-
pellantur. *Delphi* sequuntur non Apollinis tripode, sed Cereris & Bromii munere insignes. Coquitur enim
in hac urbe Cerevisia post Britannicam optima. Nomen habet a fossa, quam Batavi *Delf* vocant, ducta a
Mosa ad urbem usque. Anno 1010 xxxvi, v Non. Maii, ignis nato ex favillis forte incendio, lucuosam ac
funestam urbis faciem reddidit, absumpta deformataque pleraque urbis parte: ex quo incendio postea pul-
chrior emicuit. *Leida*, Ptol. *Lugdunum Batavorum*, urbs est sita ad medium Rheni ostium Plin. & Ptol. nomi-
natum. Sustinuit anno 1010 lxxiv gravem obsidionem, sed pulsus hostibus divina ope & aquarum stagnan-
tium vi liberata est. *Amstelodamum* nobilissimum hodie totius Orbis Emporium ab Amne *Amstela* nomen ha-
bet, paucis initio piscatorum tuguriis habitatum, jurisdictionis fuit Minorum Amsteliorem. Hanc urbem
postea Giselbertus Anstelius ante annos ducentos octoginta plus minus, communiri propugnaculis, portis ac
turribus fecit: quibus per invidiâ vicinorum cōflagratis, muro cingi cœpit anno 1010 cccxxxi. Ex eo perpetuo
aucta & Hollandici juris fuit. Nunc vero non Hollandiæ solum, sed omnium vicinarum regionum ad Sarmatas
usque Gothos & Cimbros est apotheca. In hac urbe stabulantur non solû Itali, Hispani, Lusitani, Britanni, Sco-
ti, Galli, Sarmatæ, Cimbri, Sueci, Norwagi, Livones, Germani: sed etiam Indi Americani, Orientales, Mauri, alii-
que ex omnibus pæne Orbis plagis. *Gouda* a Cimbrica voce *Gow* nomen habet, quæ & fossam & aggerem fossæ
oppositum denotat: Sira ad Iselam, urbs copiosa & rebus omnibus affluens, ac multa Opida. Sunt & Municipia
quædam